



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt Primvm. Joannes a Chrysostomus.

[urn:nbn:de:hbz:466:1-74544](#)

CAPUT XXXIII.

Gregorius IX. Decano, & Sacrificia Enge.

Transmissæ nobis litteræ continabant, quod significantibus Episcopo, & Capitulo Xanton. quod quadragenarius Canonicorum numerus institutus in eorum Ecclesia non poterat observari, pro eo, quia non sufficiebant Ecclesia facultates, vobis dedimus in mandatis, ut Canonicorum, & præbendarum numerum juxta facultates Ecclesiæ b' moderantes, statueritis eundem firmiter observari: vos verò inveniatis prædictæ Ecclesiæ facultates, à tempore statuti numeri adeo excrevisse, quod absque mutilatione præbendarum major haberi posset numerus in eadem; quare quæsitis, an per moderationis verbum literis nostris appositum eundem numerum augmentare, vel minuere deberetis. Quocirca mandamus, quatenus si veteres non sunt minutæ præbendæ, cum moderatione locum non habeat, ipsarum, & Canonicorum numerum dimittatis in eodem statu, in quo hactenus dignoscitur existisse, in utilitatem ejusdem Ecclesiæ converentes augmentum suorum reddituum, donec duxerimus aliter dispondendum.

NOTÆ.

a **E**nge.] Engolismensi videlicet, quæ est Ecclesia Cathedralis in Gallia in Comitatu Burdegalensi, ubi etiam est Ecclesia Xantonensis,

de quibus egi in cap. final. de corpore vitia.

b' **Moderantes.**] De numero Canonicorum augendo, vel minuendo juxta proventus & redditus Ecclesiæ, egi in cap. cum M. de constitut.

2.

TITULUS XLI

De Regulis Iuris.

CAPUT PRIMVM.

Joannes Chrysostomus.

Omnis res per quascunque causas nascitur, per easdem dissolvitur.

NOTÆ.

I. a **C**hrysostomus.] Ita etiam legitur in prima collectione, sub hoc tit. cap. 1. & in Decreto Iwonis p. 8. cap. 233. & sub nomine Palez citatur textus hic à Gratiano in cap. omnis 4. 27. q. 2. & in margine hujus textus additur homil. 32. in Matthaeum, in opere imperfetto: & extant verba hæc volum. 2. ejusdem D. Chrysostomi, ubi aliae 27. homiliae extant, ut jam notavit Antonius Augustinus in presenti.

COMMENTARIUM.

2. **R**egula hæc in jure civili expresse traditur in l. nihil tam naturalis 35. ff. de R. l. l. prout, ff. de solvit. & magna nititur ratione, quoniam generationes, & corruptiones ex contrariis in contraria fiunt. D. Thomas l. p. q. 7. art. 6. Unde iura civilia civili commento solvuntur, §. minus Inßit. de heredit. qua ab intest. naturalis obligatio naturali ratione solvit, l. Stichum 95. §. naturalis, de solvit. pactum pacto abrogatur, l. §. natus 27. §. pactum, ff. de pactis: lex lege tollitur §.

penult. Inßit. de jure natur. testamentum testamento rumpitur, l. 1. & 2. ff. de iusfr. rupio: obligatio verbis contracta contrariis verbis tollitur, l. an inutilis 8. §. acceptum, ff. de accept. l. debitor 36. ff. de jure dot. similiter obligatio ex consensu orta contrario consensu dissolvitur, l. siccus 27. §. pactum ff. de pactis, l. 1. 2. & 4. Cod. quando licet ab empione, l. 72. ff. de contrah. emption. & sic hypotheca, quæ nudo consensu contrahitur, l. siccib. 17. §. de pignore, ff. de pactis, nudo pacto tollitur, l. 2. C. de remiss. pignor. l. 10. C. de pignor. Sic etiam quia servi manu capiuntur, unde mancipia appellantur, l. 4. in fine, ff. de stat. hominum, Vattolib. 5. de lingua Latina, ut à potestate liberentur, è manu emittuntur, l. 4. ff. de iusfr. & jur. & sicut inter solennitates testamenti testes signatorii adhibebantur, ita in ejus apertura eosdem testes vocari oportuit, l. 4. l. sed si major 6. ff. testamenta quemadmodum, Paulus lib. 4. sentent. tit. 6. & sicut clericus cum ordinatur calicem & cætera ornamenta ecclesiastica accipit, ita & eadem illi auferuntur cum degradatur, cap. Episcopus 11. q. 3. cap. 2. deponit, lib. 6. quod & in exauthoratione militis observatur, l. 2. §. igno-
Hb. 4 minia.

minia, ff. dohie qui not. infam. Illustrant Petrus Faber lib. I. semestr. cap. 17. Langleus lib. 13. semestr. cap. 1. & 2. immo jure civili attento haec regula valde vigebat in matrimonii dissolvendis; nam sicut in matrimonio flaminis contrahendo confarreatio intercededat, Ulpianus tit. 9. Plinius lib. 18. his cap. 3. Tacitus lib. 4. annal. sic in eo dissolvendo diffarreatio desiderabatur. Festus verbo Diffarreatio; & sicut in contrahendis nuptiis claves tradere moris erat, ita etiam in dissolvendis earundem solennis fuit ademptio. Tul. phil. 3. D. Ambrosius epist. 75. & sicut in contrahendo matrimonio certae verborum formulae usitari consueverant, Vbi tu Caius, & ego Caja, Tul. in oratione pro Murena, Quintilianus lib. 1. cap. 7. & lib. 5. cap. 10. sic in dirimendo certae fuerunt et-

iam verborum conceptiones usitatae, l. 2. ff. de divorcio: probavi in cap. 1. cod. tit. & ut nuptria testato siebant, hoc est praesentibus testibus, l. uxori, C. de repud. Juvenal. satyr. 10.

Veniet cum signatoribus anspex.

Apulejus lib. 6. de asino; ita repudium raurum esse non poterat, nisi septem testibus adhibitis, leg. nullum, ff. de divorcio. Et tandem sicut mulier cum nubebat, deducebatur in domum viri, l. mulierem 5. ff. de ritu nupt. l. penals. ff. de donis inter; ita in casu divorcii mulier de domo expellebatur. Quintilianus declamat. 22. 6. Illustrat Forneri lib. 1. rer. quotid. cap. 9. prosequuntur alia exempla Petrus Faber, Gothof. Bronchorst, & Cujac, in d. l. nihil tam naturale 35. ff. de R. I. Gibal. in praesenti.

CAPUT II.

a Beda in homiliis

EStote misericordes, &c. Hoc loco nobis nihil aliud præcipi existimat, nisi ut ea facta, quæ dubium est, quo animo fiant, in meliorem partem interpretetur. Quod enim est scriptum: Ex fructibus eorum cognoscetis eos; de manifestis dictum est, quæ non possunt bono animo fieri, ut stuprum, blasphemia, furta, ebrietas, & similia, de quibus nobis permittitur judicare.

NOTÆ.

- I. a **Beda.**] Ita etiam legitur in prima collectio-
ne, sub hoc tit. cap. 7. & hæc verba reperi-
untur inter opera ipsius Venerabilis Bedæ in Lu-

ciam lib. 2. cap. 24. & Raymundus hanc regulam transcripsit ex dicta prima collectione, ubi cap. 2. extat alia D. Augustini ad idem significantur his verbis: Innuit, quod ambigua debemus in ambiguum pariem vertere.

CAPUT III.

a Idem.

QUi scandalizaverit, &c. Utilius scandalum nasci permittitur, quam veritas relin-
quatur.

NOTÆ.

- I. a **[Dem.]** Sic etiam legitur in prima collectio-
ne, sub hoc tit. cap. 9. & verba hæc extant
apud ipsum Bedam ad caput 9. D. Marc. & hanc
eadem regulam antea expresserat, deduxeratque
ex evangelico texto D. Matthæi, cap. 15. D. Gre-
gorius lib. 1. in Ezechielem, homil. 7. ibi: Ex qua
re nobis considerandum est, quia in quantum sine peccato possumus, vitare proximorum scandalum debe-
mus; si autem de veritate scandalum sumitur, utilius
permittitur nasci scandalum, quam veritas re-
linquatur. Idem Gregor. lib. 9. regestr. epist. 39. ad
Theodifum Patriciam, à quo acceperunt D. Ber-
nard. in apolog. ad Guillelmum Abbatem, §. jam
vero, in fine, ibi: Ipsis iraque illud Gregorianum
respondeo: Melius est, ut scandalum oriatur, quam

veritas relinquatur. Et in Epistola 34. ad Drogo-
nem, & tract. de precept. & dispens. cap. 12.
D. Thomas 2. 2. q. 43. art. 7. Consonant etiam
textus in cap. nñ 10. vers. Pro gravi, de renunc.
cap. inter verba 55. vers. Si autem 11. q. 3. cap. si
illa 23. 1. q. 7. cap. 2. de novi oper. nunc. & recte ea
jura de scandalo passivo, pro quo veritas nun-
quam deferenda est, acceperunt Covat. in regn.
peccatum, 1. p. num. 4. Mancinus genial. cim. 1.
cap. 113. Valquez in opusculo de scandalo, ad q. 43.
D. Thoma, art. 2. 3. usque ad 8. Facit Tertull. de
velandis virginibus, cap. 3. ibi: Bonares neminem
scandalizanti, nisi malam mentem: agnoscant ma-
lum suum, que de tali bono scandalizantur. Plura
de scandalo vitando, vel non, congegit Sal-
gado de retent. Bullar. part. I. cap. 4. Gibal, in
praesenti.

CAPUT IV.

a Idem super Marcum.

Quod non est licitum in lege, b necessitas facit licitum; nam & sabbathum custodiri
præceptum est: Machabæi tamen sine culpa sua in sabbatho c pugnabant. Sic
& hodie, si quis jejunium fregerit d ægrotus, reus voti non habetur.

NOTÆ